

## EDICTO

Acordo do Concello Pleno do 23 de Xuño de 2015 de delegación de competencias a prol da Xunta de Goberno Local.

Na sesión do Concello Pleno que tivo lugar o 23 de Xuño de 2015 acordouse a delegación de competencias a prol da Xunta de Goberno Local.

En conformidade cos artigos 13 da Lei 30/1992, do 26 de Novembro e 114 e seguintes do Real Decreto 2586/1986, do 28 de Novembro, faise público mediante este edicto o contido dos acordos tomados:

“Primeiro.- Delegar as competencias que se sinalan do Concello Pleno a prol da Xunta de Goberno Local:

- a) O exercicio de accións xudiciais e administrativas e a defensa da Corporación en materias de competencia plenaria (art. 22.2.j) L.R.B.L.).
- b) A declaración de lesividade dos actos do Concello (art. 22.2.k) L.R.B.L.).
- c) A concertación das operacións de crédito nas que a súa contía acumulada, dentro de cada exercicio económico, exceda do 10% dos recursos ordinarios do orzamento -agás as de tesourería, que lles corresponderán cando o importe acumulado das operacións vivas en cada intre supere o 15% dos ingresos correntes liquidados no exercicio anterior, todo isto de conformidade co disposto na Lei reguladora de Facendas Locais (art. 22.2.m) L.R.B.L.).
- d) As contratacións de obras, servizos, subministracións, xestión de servizos públicos, contratos administrativos especiais e contratos privados cando os seus importes superen o 10% dos recursos ordinarios do orzamento e, en calquera caso os seis millóns de euros, así como os plurianuais cando a súa duración sexa superior a catro anos ou de duración menor, cando o importe acumulado de tódalas súas anualidades supere a porcentaxe indicada referido aos recursos ordinarios do orzamento do primeiro exercicio. Asemade deléganse as concesións sobre bens e servizos das mesmas e a adquisición de bens inmobles e dereitos suxeitos a lexislación patrimonial cando o seu valor supere o 10% dos recursos ordinarios do orzamento e os tres millón de euros, así como o alleamento do patrimonio cando o seu valor supere a porcentaxe e a contía indicados. Co límite, no caso das concesión das de duración superior a cinco anos sempre que o importe supere o 20% dos recursos ordinarios do orzamento, e nos alleamentos de bens que superen o 20% dos recursos ordinarios do orzamento. Dita competencia

recollese na Lei 30/2007, de contratos do Sector público, disposición adicional segunda.

e) A aprobación de proxectos de obras e servizos cando sexa competente para a súa contratación ou concesión ao pleno e cando non estean previstos no orzamento (art. 22.2.ñ) L.R.B.L.).

f) A aprobación de prezos públicos (art. 47.1 R.D.L. 2/2004 -T.R. da L.R.F.L.-).

**Segundo.-** As delegacións acordadas neste acordo quedan suxeitas ó seguinte réxime xurídico:

a) O exercicio das facultades por delegación deberá facerse constar nas resolucións que se ditén, en conformidade co que dispón o artigo 14 da Lei 30/1992, de 26 de novembro.

b) O órgano delegante conservará as facultades de recibir información detallada da xestión da competencia delegada e dos actos e disposicións emanados en virtude da delegación, a de ser informado previamente á adopción de decisións de transcendencia, de acordo co disposto no artigo 115 do ROF.

c) O Pleno da Corporación poderá revogar as delegacións coas mesmas formalidades tomadas para as aprobar.

d) Os acordos que tome a Xunta de Goberno Local no exercicio das facultades delegadas polo Pleno deberán estar precedidos do ditame da correspondente comisión informativa, agás no caso de urxencia, e neste suposto darase conta á comisión do acordo tomado na primeira sesión que tiver lugar.

**Terceiro.-** As referencias que contén este acordo a preceptos de normas concretos entenderanse feitas de xeito automático ós preceptos das normas que as modifiquen ou substitúan.

**Cuarto.-** Por aplicación do artigo 13 da Lei 30/1992, corresponderá á alcaldía a resolución dos recursos de reposición e extraordinarios de revisión que se presentaren contra os actos administrativos ditados en exercicio das facultades delegadas.

**Quinto.-** Esta resolución será efectiva dende o día seguinte ó da súa sinatura e será feita pública mediante a inserción dun edicto no Boletín Oficial da provincia de A Coruña, en cumprimento do que dispón o artigo 13 da Lei 30/1992, do 26 de novembro.

**Sexto.-** Contra esta resolución, coa que remata a vía administrativa, poderán os interesados interpoñer os seguintes recursos:

a)- Con carácter potestativo un recurso de reposición diante do mesmo órgano que ditou a resolución impugnada, dentro do prazo de un (01) mes, a contar desde o día seguinte ó de recepción desta notificación, de acordo co que dispón o artigo 116 da Lei 30/1992, do 26 de novembro, do réxime xurídico das administracións públicas e do procedemento administrativo común (LPAC).

b)- Directamente contra esta resolución poderase interpoñer un recurso contencioso administrativo diante dos Xulgados do Contencioso

Administrativo da cidade da Coruña, no prazo de dous (02) meses, a contar desde o día seguinte ó de recepción da notificación desta resolución, de acordo co disposto no artigo 46.1 da Lei 29/1998, do 13 de xullo, reguladora da Xurisdición Contencioso Administrativa (LXCA).”

OLEIROS, 30 de xuño de 2015

O alcalde

Ángel García Seoane



